



新撰汪漢書地理志彙釋

ル 5
133
8. 止





呂
133
8

新輯注地里志卷弟十五

嘉定錢坫著

大興徐松集釋

趙國故秦邯鄲郡高帝四年爲趙國

封張耳表作三年

閻氏若璩曰趙國治邯鄲縣以趙幽王友及趙敬肅王彭祖傳知之秦時

邯鄲郡卽治邯鄲縣

景帝三年復爲邯鄲郡

趙自張耳立國後耳子敖以高帝八年廢除九年立子如意爲趙王惠帝元年爲呂后所殺復徙淮陽王友爲趙王高后七年自殺孝文元年友子遂紹封孝景三年以反誅史記景帝紀作四年非
五年復故

封子彭祖

莽曰桓亭屬冀州戶八萬四千二百二口三十四萬九千九百五十二縣四

邯鄲

今廣平府邯鄲縣後漢書注今洺州縣也張晏曰邯山

在東城下單盡也城郭從邑故加邑云

段氏玉裁曰師古注引張晏曰

邯山在東城下水經注引張晏語邯下無邯字後漢書注亦云邯山名單盡也邯山至此而盡也邯本作單

單殫同故訓盡單後人添邑自左傳已然

堵山牛首水所出東入白渠

山海經錫山牛首水所出水經注牛首水澄而爲渚渚水入拘澗水拘澗水入白渠今邯鄲縣東有西河亦曰

渚沁水卽其舊址也

趙敬侯自中牟徙此

易陽

今廣平府臨洺通判城太平寰宇記臨洺縣也

柏人

在今順德府唐山縣西十二里後漢書注故城在柏人

縣西北括地志西北十二里元和郡縣志在堯山縣西

北十二里

莽曰壽仁

襄國

在今順德府城西北三十里後漢書注今邢州龍岡縣

郡國志地形志並云秦爲信都項羽更名
故邢國

春秋傳所云邢遷于夷儀是也

西山澗水所出東北至任入濳

澗水今日南泊水也出府城西北東南流逕任縣南折

東北曰南泊合滏陽河入北泊松按澗水舊作渠水錢氏大昕曰說文澗水出

趙國襄國之西山東北入濳則渠爲澗之譌

又有蓼水澗水皆東至朝平入澗

蓼水今日牛尾河在順德府城西五里澗舊本或爲馮

字非也水在今府城南

廣平國武帝征和二年置爲平干國宣帝五鳳二年復故

平干武帝立趙敬肅王子偃也偃子元嗣以五鳳二年

國除至哀帝建平三年復立中山憲王孫漢爲國錢氏大昕

曰王溫舒爲廣平都尉在元朔元狩之間是平干國未

置之前已爲廣平郡矣五鳳二年平干繆王坐殺謁者

會薨不得代國除仍爲廣平郡故云復故也當云故廣

平郡某年置乃與復故之文相應哀帝建平三年更置

廣平國志又失書

皆脫漏之甚者

莽曰富昌屬冀州戶二萬七千九百八十四口十九萬八

千五百五十八縣十六

廣平

在今廣平府城北通典後漢書注並云故城在永年縣

北

張

志卷之十五

三

在今順德府任縣西南二十七里元和郡縣志張城一名渚陽城在任縣西南二十七里史記曹參世家云東張卽此

朝平

今順德府南和縣地

南和

今南和縣太平寰宇記今南和縣

列葭水東入澮

武五子傳云葭水

段氏玉裁曰澮入澮澮入浸浸入庠
沱庠沱移徙不常故道今不可考

列人

在今廣平府肥鄉縣東北二十里俗曰列人隄通典後

漢書注並云故城在肥鄉縣東北太平寰宇記東北十里

莽曰列治

斥章

在今廣平府曲周縣西南後漢書注洺水縣太平寰宇

記在洺州西五十里章卽漳水字

段氏玉裁曰趙氏一清作斥漳

任

今任縣

曲周

在今曲周縣西南通典後漢書注並云故城在曲周縣西南史記正義西南十五里

武帝建元四年置

此似非志本文或後人以應邵語混入也高帝時酈商以功封曲周侯知縣非武帝所置豈後廢而復之耶

莽曰直周

南曲

在今曲周縣東北應邵曰在平恩縣北四十里

曲梁

今廣平府城後漢書注今洺州縣也太平寰宇記永年縣也表在魏郡是其先屬魏

侯國

宣帝元康二年封平干頃王子敬

莽曰直梁

廣鄉

平利

平鄉

今順德府平鄉縣劉向列仙傳木羽鉅鹿南和平鄉人
是其先爲鄉通典秦置鉅鹿郡于此

陽臺

侯國

宣帝神雀四年封平干頃王子田爲陽城侯誤也應作
陽臺

廣年

在今廣平府城東北後漢書注故城在永年縣東北

莽曰富昌亭

本無亭字以意加

城鄉

表作成鄉

眞定國武帝元鼎四年置

立中山憲王子平

屬冀州戶三萬七千一百二十六口十七萬八千六百一

十六縣四

眞定

在今眞定府城南八里後漢書注今恒州縣也

故東垣

高帝紀八年擊韓信餘寇于東垣十三州志河東有垣

此加東

高帝十一年更名莽曰思治

臺城

今眞定府臺城縣通典後漢書注並云故城在今縣西

莽曰臺實

肥累

在今臺城縣西南七里括地志故城在今縣西七里後

漢書注在今縣西南元和郡縣志西南七里五行志作

肥累

故肥子國

白狄別種史記趙世家云肥下卽指此也

縣蔓

在今眞定府獲鹿縣西後漢書注故城在石邑縣西北俗音訛謂之人文城

斯淩水首受大白渠東至鄆入章河

水經注縣蔓水枝津謂之大白渠又東謂之斯淩水斯淩入衡水志云縣蔓水入虘池蓋虘池卽衡漳

莽曰縣延

中山國高帝郡景帝三年爲國

封靖王勝

莽曰常山屬冀州戶十六萬八百七十三口六十六萬八千八十縣十四

盧奴

今定州後漢書注故城在安喜縣太平寰宇記在望都縣東四十二里水經注水黑曰盧不流曰奴因以名縣北平

今保定府滿城縣後漢書注故城今永樂縣也

徐水東至高陽入博

水經注徐水三原奇發齊瀉一澗亦名順水今日大册水原出易州西南五回山東南流逕滿城縣北保定府城北新安縣西南入易水

又有盧水亦至高陽入河

水經注引此作入博云今盧水入徐小水也今無所致

有鐵官莽曰善和

北新成

今保定府新成縣

何氏焯曰河南有新成故此加北

桑欽言易水出西北東入滹

水經注自下滹易互受通稱矣今水在新成縣南下流

合巨馬河

莽曰朔平

唐

今保定府唐縣太平寰宇記今唐縣也應邵曰故堯國

張晏曰堯爲唐侯國于此

閻氏若璩曰水經注云唐縣中山郡治漢高祖立縣是中

山爲郡時治此

堯山在南

山在今唐縣北八里水經注唐城之南無山以應之先

後論者咸以地里記之說爲失

莽曰和親

深澤

在今定州深澤縣東後漢書注故城在深澤縣東

莽曰翼和

苦陘

在今真定府無極縣東北二十八里後漢書注史記正

義並云今唐昌縣太平寰宇記故城在毋極縣東北二十八里應邵音陘爲邢

莽曰北陘

安國

在今保定府祁州東南後漢書注故城在義豐縣東南

莽曰興睦

曲逆

今保定府完縣章帝改曰蒲陰後漢書注蒲陰故城在北平縣西北太平寰宇記西北四十里

蒲陽山蒲水所出東入濡又有蘇水亦東入濡

水經注濡水出縣西昌安郭南合蒲蘇二水入博水自

下濡博通稱矣今完縣南唯有石橋水有二原一出縣

西南伊祁山一出縣東山東流至方順橋曰方順河當

卽蒲蘇二水矣

莽曰順平

望都

今保定府望都縣後漢書注故城在唐縣東南水經注

縣在唐南

博水東至高陽入滹

今日慶都水遠望都縣城東東北流合于大册水凡志

云入滹入博入濡入易皆一也

莽曰順調

新市

在今真定府城西北太平寰宇記新樂縣本新市縣地與鉅鹿縣異也應邵曰鮮虞子國今鮮虞亭杜預曰白狄別種

新處

今真定府新樂縣地表作薪處又作辛處又作宣處古字新薪辛宣皆通用

毋極

在今無極縣西太平寰宇記故城在今縣西

陸成

亦今新樂縣地表作陸地史記表作陸成皆此縣然史

記田叔傳作陸成三國志劉先主紀又作陸成或先名陸成後改陸成未可知也表屬新處是分新處地置

安險

在今定州東三十里太平寰宇記故城在安喜縣東三十里中山記縣在唐水之曲山高岸險故曰安險章帝改安熹

莽曰甯險

信都國景帝二年爲廣川國

二年封子彭祖後徙趙又封子越

宣帝甘露三年復故

表越曾孫汝陽以甘露四年坐殺人廢遷房陵非三年

也至哀帝建平二年又封楚孝王孫景徐廣曰信都項羽曰襄國郡國志秦信都項羽更名襄國此信都今順德府城也非是應邵曰明帝更名樂成安帝更名安平

明帝永平十五年也安帝延光中也
莽曰新博屬冀州戶六萬五千五百五十六口三十萬四千三百八十四縣十七

信都

在今冀州東北

閻氏若璩曰信都國治信都縣

王都故章河故庫池皆在北東入海

云故者是章庫池之故道非當時所逕也

禹貢絳水亦入海

卽出上黨屯留之水也書史記並作降水鄭康成曰在信都南地說曰大河東北流過降水千里至大陸爲地腹水經注絳水故瀆逕九門城南又東逕南宮繚縣北逕信都城東入海括地志絳水原出屯留縣西南東北至冀州入海

段氏玉裁曰上黨郡屯留下引桑欽云絳水出西南東入海後云禹貢絳水則引禹

貢必作絳

莽曰新博亭

厯

在今河間府故城縣西北括地志故城在薊縣西南四十六里應邵曰在廣川縣西北三十里

莽曰厯甯

扶柳

在今冀州西南三十里通典後漢書注並云故城在信都縣西括地志太平寰宇記並云西三十里闕駟曰其地有扶澤澤中多柳故曰扶柳

辟陽

在今冀州東南元和郡縣志故城在信都縣東南三十里應邵曰在廣川縣西南六十里

莽曰樂信

南宮

今冀州南宮縣後漢書注今冀州縣

莽曰序下

水經注作序中

趙氏一清曰水經注作序中隋人諱忠故今日序下

下博

在今深州南二十五里後漢書注故城在今縣南元和郡縣志南二十里應邵曰泰山有博此加下

莽曰閭博

武邑

今冀州武邑縣後漢書注今冀州縣十三州志扶柳縣東北有武陽城故縣也應卽此松按太平寰宇記朝城縣漢東武陽縣也又按朝城縣唐屬魏州宋屬大名府寰宇記在府東南八十里寰宇記猶標魏州之日

莽曰順桓

觀津

在今武邑縣東南三十里通典故城在脩縣東北後漢書注云西北元和郡縣志史記正義並云在武邑縣東南二十五里

莽曰朔定亭

高隄

在今冀州棗強縣東北三十六里太平寰宇記故城在棗強縣東北三十六里

廣川

在今棗強縣西北通典後漢書注並云故城在棗強縣東北十三州志其縣中有長河爲流故曰廣川按長河清河也

樂鄉

在今深州東北表屬鉅鹿

侯國

宣帝地節三年封河間獻王子終

莽曰樂邱

平隄

在今棗強縣東北太平寰宇記故城當在棗強縣東北表屬鉅鹿

侯國

宣帝地節二年封河間獻王子招

桃

今冀州衡水縣太平寰宇記故城在信都縣西北四十
五里

莽曰桓分

西梁

在今保定府束鹿縣東北太平寰宇記故城在束鹿縣
東北六十里應邵曰在扶柳西北五十里郡國縣道記
一名五梁城後漢并入扶柳表屬鉅鹿

侯國

宣帝神雀四年封廣川戴王子闔兵

昌成

在今冀州西北後漢書注故城在冀州西北通典在信

都縣北括地志縣西北五里太平寰宇記五十里應邵
曰在堂陽北三十里

侯國

宣帝神雀三年封廣川繆王子元

東昌

在今武邑縣東太平寰宇記故城在武邑縣東北二十
八里水經注云昌亭也

侯國

宣帝本始四年封清河綱王子成

莽曰田昌

脩

在今河間府景州南後漢書注故城在今縣南括地志

南十二里亦作條景帝封周亞父為條侯此縣也亦作

菴曰脩治

河間國故趙文帝二年別為國

立趙幽王少子辟疆景帝二年又封子獻王德錢氏大

間國當屬冀州史失書河間與真定信都廣平皆故趙

地常山中山雖為郡仍屬趙也志或書或不書松按河

間應邵曰在兩河之間何氏焯曰菴曰朔定戶四萬五千四十三口十八萬七千六百六十

二縣四

樂成

在今河間府獻縣西南十里後漢書注故城在樂壽縣

西北閻氏若璩曰河

庠池別水首受庠池河東至東光入庠池河

水經漳水至樂成陵縣北別出注衡漳別出之瀆出縣

北者乃庠池別水分庠池故瀆之所屬絡也在今交河

東光二縣界

菴曰陸信

侯井

在今河間府阜成縣東北廢弓高城西北三十五里太

平寰宇記以理推之當在弓高縣西北三十里或云今

弓高城即侯井縣未詳

武隧

在今深州武強縣東北三十里元和郡縣志故城在武強縣東北三十一里太平寰宇記東三十一里史記燕世家之武遂在今保定府安肅縣西與此不同也

莽曰桓隧

弓高

在今河間府景州東北四十里太平寰宇記故城在阜成縣南二十七里

庠池別河首受庠池河東至平舒入海

在今景州南皮滄州靜海東境

莽曰樂成亭

廣陽國高帝燕國昭帝元鳳元年爲廣陽郡

高帝元年燕王臧荼五年王盧綰十二年立子靈王建

建死呂后立高帝從祖昆弟敬王澤傳子至孫定國坐

禽獸行自殺武帝立子刺王旦旦謀反誅國除爲郡錢氏

大昕曰廣陽國當屬冀州史失書

宣帝本始元年更爲國

立刺王子建

莽曰廣有戶二萬七百四十口七萬六百五十八縣四

薊

今順天府城說文解字作鄴

閻氏若璩曰廣陽國治薊縣縣古爲召公都今爲國

治

故燕國召公所封

周武王封帝堯之後于薊封召公于燕燕盛并薊故薊
卽稱燕

莽曰伐戎

方城

在今順天府固安縣西南括地志故城在固安縣南十
七里太平寰宇記十五里

廣陽

在今順天府良鄉縣東北括地志故城在良鄉縣東三
十七里

陰鄉

在今順天府城南太平寰宇記當在今薊縣南界良鄉
東界固安之地北界三縣交入之地

莽曰陰順

菑川國故齊

凡言故齊者皆悼惠王封國也

錢氏大昕曰菑川國當屬青州史失書又曰史

記平津侯傳稱齊菑川薛縣人漢書同是漢初菑川與
魯俱有薛縣其後併省班志據元成以後版籍故菑川
無薛

文帝十八年別爲國

應作十六年是年立悼惠王子賢十一年反誅景帝四

年徙濟北王志

松按王校同

後并北海

建武十三年并也句不似本文疑亦以後人語舛入
戶五萬二百八十九口二十二萬七千三十一縣三

劇

在今青州府昌樂縣西十里此劇在丹水之東通典後
漢書注太平寰宇記並云故城在壽光縣南括地志南
三十里錢氏大昕曰北海郡亦有劇縣志稱留川後并
即留川懿王子錯所封蓋析劇縣之鄉為侯國別屬北
海而劇縣之隸留川如故非重出也閻氏若璩曰留川
國治劇縣松按一統志以在昌樂西者為留川之劇在
壽光南者為北海之劇錢氏於此處不應引通典諸書
義山獐水所出北至壽光入海

水經注堯水出劇縣南角崩山即義山也水即獐水矣
東北注巨洋水今日槐河出昌樂縣東南北流會大丹

水入瀾河瀾河巨洋水也

莽曰俞

東安平

在今青州府臨淄縣東十里括地志故城在臨淄縣東
正十九里春秋傳之鄆也闕駟曰涿郡有安平此加東非
也千乘有安平耳

菟頭山

山在今臨淄縣南十里劉昭引地道記作羌頭山水經
注鮑頭山

女水出東北至臨淄入鉅定
今水出鼎足山東北流會北陽河入清水泊

樓鄉

今青州府諸城縣西南有樓鄉水經注渭水所逕者也
去此遠疑非是

膠東國故齊高帝元年別爲國

高帝元年徙齊王田市爲膠東王都卽墨

錢氏大昕曰膠東國當屬

青州史失書

五月復屬齊國

田榮擊破市屬齊

文帝十六年復爲國

封悼惠王子雄渠十一年反誅景帝四年立武帝四年
入爲皇太子中二年立康王寄

莽曰郁秩戶七萬二千二口三十二萬三千三百三十一

縣八

卽墨

在今萊州府平度州東南六十里後漢書注故城在膠
水縣東南括地志元和郡縣志並云東南六十里史記
正義膠東縣南六十里

有天室山祠

宣帝置郊祀志作太室

莽曰卽善

昌武

東萊郡有昌陽縣疑此近之

下密

在今萊州府昌邑縣東南後漢書注故城在北海縣東北

有三石山祠

宣帝置郊祀志作三戶

王氏念孫曰水經濰水注引此正作三戶下密山在今平度州

西南七十里

壯武

在今萊州府卽墨縣西六十里後漢書注故城在卽墨縣西括地志太平寰宇記並云西六十里

莽曰曉武

郁秩

有鐵官

挺

在今登州府萊陽縣南七里通典後漢書注並云故城在昌陽縣西北

觀陽

在今萊陽縣東後漢書注故城在昌陽縣東

鄒盧

東萊郡有盧鄉縣在今平度州西北疑此近之

莽曰始斯

高密國故齊文帝十六年別爲膠西國

封悼惠王子卬十一年反誅景帝三年立子端元封三

年薨國除

錢氏大昕曰高密國當屬青州史失書

宣帝本始元年更為高密國

立廣陵王胥少子宏

戶四萬五百三十一口十九萬二千五百三十六縣五

高密

在今萊州府高密縣西南四十里後漢書注故城在高

密縣西南括地志西南四十里

閻氏若璩曰高密國治高密縣

莽曰章牟

昌安

在今青州府安邱縣西北後漢書注太平寰宇記並云

今安邱縣北城是也

松按今安邱縣治

石泉

在今安邱縣西南六十里太平寰宇記故城在安邱縣

西南六十里應邵曰在平昌縣東南四十里

松按一統志云石泉

故城在諸城縣東北寰宇記謂在安邱西南者乃誤指平昌故城耳

莽曰養信

夷安

今高密縣通典後漢書注並云故城今高密縣外城應

邵曰故萊夷維邑水經注縣西去濰水四十里有潭周

四十里濰水支津之所注也史記晏子萊之夷維人即

此縣

莽曰原亭

成鄉

在今安邱縣東北北海郡有此縣

莽曰順成

城陽國故齊文帝二年別為國

立悼惠王子章

松按城陽國治莒莽名莒曰莒陵則城陽國下莽曰莒陵四字可省何氏焯謂

莽自謂出於田齊故也

莽曰莒陵屬兖州戶五萬六千六百四十二口二十萬五千七百八十四縣四

莒

今沂州府莒州風俗通義城陽今莒縣也

閻氏若璩曰城陽國治莒

縣

故國盈姓三十世為楚所滅少昊後有鐵官莽曰莒陵亭

本無亭字以意加

松按錢校加亭字似非

陽都

在今沂州府沂水縣西南後漢書注故城在沂水縣東

通典沂水縣有陽都縣故城

東安

相傳在今沂水縣南五十里按東海亦有此縣疑亦一

地也今沂水縣與海州壤境南北相接

慮

東海有昌慮縣在兖州府滕縣東南此當近之

王氏念孫曰慮

當為慮字之誤也水經沂水注曰慮川水東南流逕城陽之慮縣故蓋縣之慮上里也是其證全謝山謂慮有

廬音可
通者非

莽曰著善

淮陽國高帝十一年置

十一年立子友二年徙趙文帝二年徙代王武十年徙
梁景帝二年立子餘二年徙魯爲郡宣帝元康三年立
子欽

莽曰新平屬兖州戶十三萬五千五百四十四口九十八
萬一千四百二十三縣九

陳

今陳州府城通典後漢書注並云淮陽郡故城在宛邱

縣西南卽此城也閻氏若璩曰淮陽國治陳縣

故國舜後胡公所封爲楚所滅楚頃襄王自郢徙此

二十一年徙也命曰郢故曰郢陳

莽曰陳陵

苦

在今歸德府鹿邑縣東七十里括地志故城在谷陽縣

界後漢書注今谷陽縣也史記正義今眞源縣也春秋

時曰相松按隸釋載老子銘云老子楚相縣人春秋之後以大并小相縣虛荒今屬苦故城猶在在賴

鄉之東澗水處其陽

莽曰賴陵

太康地志城東有賴鄉祠老子所生故莽以之氏縣也

史記云厲鄉古厲賴字同用

陽夏

今陳州府太康縣元和郡縣志太康縣理城卽漢陽夏城應邵如淳音夏爲賈鄭德音假借

松按吳廣陽夏人是秦有此縣

甯平

在今鹿邑縣西南後漢書注故城在眞源縣西南元和郡縣志太平寰宇記並云西南五十五里

扶溝

在今陳州府扶溝縣東北二十里太平寰宇記故城在今縣東北二十里水經注縣故潁川之穀平鄉也有扶水又有洧水溝故縣有扶溝之稱焉
渦水首受狼湯渠東至向入淮

說文解字作過水經陰溝水出狼湯渠東南至沛爲過水至淮陵入于淮注陰溝首受大河于卷縣陰溝始亂狼湯終別于沙而過水出焉過水受沙水于扶溝縣不得至沛方爲過水也今出太康縣東南東流分爲二一流南出逕鹿邑縣南亳州東南太和縣北潁州府城北曰淝河又東南逕潁上縣北至壽州西入淮一流東出逕鹿邑縣北柘城縣東南亳州北蒙城縣北懷遠縣北又東南入于淮

過郡三行千里

過河南淮陽沛三郡

固始

在今陳州府城西北三十里高帝紀有固陵晉灼以為
卽固始括地志固陵在宛邱縣西北四十二里松按楚
敖碑云求叔敖子封
潘鄉潘卽固始也

圉

在今開封府杞縣南五十里通典故城在陳畱縣東南

莽曰益歲

本無此四字王莽傳云益歲以南付新平蘇林曰莽改

圉曰益歲依此加之松按王
校同

新平

在今陳州府城東北二十五里太平寰宇記故城在宛

邱縣東北二十五里

柘

今歸德府柘城縣元和郡縣志故城在甯陵縣南七十

里陳之株邑也詩所謂株林矣

梁國故秦碭郡高帝五年爲梁國

王彭越也反誅十一年立子恢徙趙王呂產產誅文帝

二年立子楫十年薨徙淮陽王武閻氏若璩曰梁國在
秦爲碭郡治碭縣故

沛公軍碭遂以沛公爲碭郡長
卽守也至漢改爲梁國便治睢陽

莽曰陳定屬豫州戶三萬八千七百九口十萬六千七百

五十二縣八

碭

在今歸德府永城縣北史記正義今碭山縣蘇林音唐

山出文石

山在今徐州府碭山縣東七十里應邵曰山在東

莽曰節碭

留

今衛輝府考城縣杜預曰在外黃東南

松按翟方進傳王莽諸將東破

陳留

故戴國

說文解字作戴春秋公羊傳作載左傳作戴陳留風俗

傳秦之穀邑也後遭漢兵起邑多留年故改曰留縣章

帝東巡改曰考城按古留戴字聲相同通用耳未必如

傳云云

松按左傳正義云古者留戴聲相近故鄭元詩箋讀似戴爲熾留是其音大同故漢於戴國立

留縣

莽曰嘉穀

杼秋

在今徐州府蕭縣西七十里後漢書注故城在蕭縣西

北太平寰宇記在西七十五里

莽曰子秋

蒙

在今歸德府城北四十里後漢書注故城在宋州北太

平寰宇記北三十五里今日大蒙也小蒙在府城南二

十里

獲水首受留獲渠東北至彭城入泗

說文解字汧水受陰溝至蒙爲獲水水經注汧水至考城縣故城南爲苗獲渠今無是水

過郡五行五百五十里

依水經注過梁沛楚三郡

莽曰蒙恩

己氏

在今歸德府城東北四十里後漢書注故城今楚邱縣也

莽曰己善

虞

在今歸德府虞城縣南後漢書注故城在虞城縣此夏

少康所奔之有虞也賈逵云帝舜之裔居于此杜預云舜後諸侯譙周云商均所封

莽曰陳定亭

下邑

今歸德府夏邑縣

莽曰下治

睢陽

今歸德府城後漢書注今宋州也世本宋更曰睢陽閭氏若璩曰梁國不治碭縣而治睢陽以梁孝王武傳知之吳楚七國反梁王城守睢陽後廣睢陽城七十里大治宮室王國以內史治其民而梁內史韓安國從王於睢陽非以睢陽爲治而何故宋國微子所封禹貢盟諸澤在東北

澤在今虞城縣西北十里元和郡縣志在虞城縣西北
十里周禮作望諸爾雅作孟諸史記禹本紀作明都王
念孫曰此下當有青州藪三字

東平國故梁

孝王武國也

松按今志作故梁國錢氏刪之錢氏大昕說同又按夏侯勝傳初魯共王分魯西甯鄉以封子節侯別屬大河大河後更名

東平按此則東平國舊魯西甯鄉地

景帝中六年別爲濟東國

立孝王子彭離

武帝元鼎元年爲大河郡

彭離廢遷上庸

宣帝甘露元年爲東平國

立子思王字鄭康成曰禹貢之東原今東平郡是

莽曰有鹽屬兖州戶十三萬一千七百五十三口六十萬

七千九百七十六有鐵官縣七

松按莽曰有鹽注本鹽下有官字何氏焯謂官乃亭字之誤又按東平國治無鹽故兩處皆曰有鹽亭其實東平國下莽曰有鹽亭五字可省此與上城陽國治莒同

無鹽

在今泰安府東平州東三十里後漢書注故城在須昌

縣東元和郡縣志在東三十六里郡國志宿國也

閻氏若璩

曰東平國治無鹽以東平思王字及翟方進傳知之

有郈鄉

在今東平州東五十里杜預曰郈鄉在無鹽東南

莽曰有鹽亭
任城

今濟甯州後漢書注兗州任城縣

故任國太昊後風姓

春秋傳任宿須句顓臾風姓

莽曰延就亭

東平陸

在今兗州府汶上縣西北後漢書注今平陸縣也元和郡縣志中都本魯國邑定公以孔子為中都宰故城在今縣西三十九里至漢以其地為東平陸縣應邵曰故厥國今厥亭是

富城

今東平州地水經注汶水逕章縣南泌水注之泌水西南逕富成縣西注于汶

莽曰成富

章

在今東平州東七十里水經注在無鹽縣東五十里春秋傳齊人降章

亢父

在今濟甯州南六十里通典後漢書注並云故城在任城縣南括地志史記正義並云南五十一里鄭德音亢為人相亢答父為甫包愷音亢苦浪反

詩亭故詩國

說文解字作郭卽亢父故城是按春秋時有兩郭一在今泰安府平陰縣東南晉魏絳以下軍克郭杜預以爲在平陰西者是也與此不同

莽曰順父

樊

在今兗州府城西南二十里通典後漢書注太平寰宇記並云故城在瑕邱縣西南括地志西南二十五里

魯國故秦薛郡

始皇二十三年置

高后元年爲魯國

王張偃也八年廢景帝二年立子共王餘

屬豫州戶十一萬八千四十五口六十萬七千三百八十

一縣六

王氏念孫曰續漢書郡國志云魯國本屬徐州光武改屬豫州則此志當云屬徐州

魯

今兗州府曲阜縣括地志曲阜縣外城伯禽所築故魯

城也

閻氏若璩曰魯國治魯以孔光傳知之又曰秦之薛郡卽治魯縣

伯禽所封戶五萬二千有鐵官

卞

在今兗州府泗水縣東五十里太平寰宇記泗水縣魯

卞縣地

泗水西南至方與入沛渠

山海經泗水出魯東北水經出魯卞縣北山博物志出

陪尾今出泗水縣東陪尾山西流逕縣城北曲阜縣城

北至兗州府城東北分爲二一流至濟甯州南入運河

一流逕鄒縣西北西南流至魚臺縣東北入運河

松按今志作入沛錢校改王校同段校泗水下補出縣北三字沛

下無渠字王氏念孫曰沛渠者沛水分出之渠東入於

泗水一名沛水在卽前山陽郡湖陵下所云禹貢浮于淮

酒通于沛水在南者也水經曰濟水東至乘氏縣西分

爲二其一水東南流者東過方與縣北爲沛水又東過

湖陵縣南東入於泗水又曰泗水又南過方與縣東過

水從西來注之注云沛水卽濟水之所苞注以成湖澤

也而東與泗水合於湖陵縣西六十里穀庭城下卽此

所云泗水西南至方與入沛渠者也

過郡三行五百里青州川

過魯濟陰山陽三郡

段氏玉裁曰當作過郡二魯山陽也

汶陽

在今兗州府甯陽縣北通典故城在泗水縣東南後漢

書注太平寰宇記並云在泗水縣西通典故也元和郡

縣志在龔邱縣北五十四里

莽曰汶亭

蕃

在今兗州府滕縣東南後漢書注故城在滕縣東南應

邵音皮云故小邾國也

松按左傳注作番釋文云又作蕃

南梁水西至湖陵入沛渠

水經注泗水又會南梁水今縣之東北平澤出泉若輪

焉西南流分二水其水西流注于濟渠濟在湖陵西而左注泗泗濟合流故地記或言濟入泗泗亦入濟互受同稱故有入濟之文十三州志曰西至湖陵入泗也今滕縣東十五里有梁水疑卽是

騶

今兗州府鄒縣後漢書注今兗州縣也

故邾國曹姓

鄒山記鄒山古之嶧山也山下是鄒縣本是邾國魯穆公改鄒山從邑變故曰鄒山按古邾鄒騶三字聲同通用

二十九世爲楚所滅嶧山在北

山在今鄒縣東二十五里元和郡縣志在鄒縣南二十里史記正義南二十二里秦李斯所篆嶧山碑作繹

莽曰騶亭

薛

在今兗州府滕縣東南四十里元和郡縣志故城在滕縣東南四十三里

夏車正奚仲所封後遷于邳湯相仲虺居之

表有上邳侯劉郢客上邳卽此是疑漢初上邳與薛二名並有後并之耳

新斟注地里志卷第十五終

新斟注地里志卷第十六

嘉定錢坫著

大興徐松集釋

楚國高帝置

王韓信信死立弟元王交孫戊以孝景三年反誅復立

元王子禮

宣帝地節元年更為彭城郡

禮元孫延壽反誅世家作二年

黃龍元年復故

徙子定陶王囂

莽曰和樂屬徐州戶十一萬四千四百三十八口四十九

萬七千八百四縣七

彭城

今徐州府城史記正義今徐州所理縣也

閻氏若璩曰楚國治彭城

以楚元王交及龔勝傳知之

古彭祖國戶四萬一百九十六有鐵官

留

在今徐州府沛縣東南五十里括地志元和郡縣志太

平寰宇記並云故城在沛縣東南五十五里

松按留城卽留侯之

所封也其城有留侯祠見宋賀鑄慶湖遺老集

梧

或云梧卽郢似非郢今兗州府泗水縣地太遠

莽曰吾治

傅陽

在今兗州府嶧縣西南五十里後漢書注故城在承縣

西南春秋傳偃陽穀梁傳作傅陽

故偃陽國

姁姓古傳偃字聲相近通用

莽曰輔陽

呂

在今徐州府城北

武原

在今徐州府城南六十里後漢書注太平寰宇記並云

故城在下邳縣北

志卷之十六
二
莽曰和樂亭

苗邱

在今鳳陽府宿州東北六十里

莽曰善邱

泗水國故東海郡武帝元鼎四年別爲泗水國

立常山憲王子商表在三年錢氏大昕曰泗水國當屬徐州史失書

莽曰水順戶二萬五千二十五口十一萬九千一百一十四縣三

凌

在今徐州府宿遷縣東南太平寰宇記故城在宿遷縣東南五十里史記陳涉世家有陵人秦嘉陵與凌字通

用

莽曰生凌

松按今志作生凌段氏玉裁曰戴校水經作凌倘是凌字則當作音

泗陽

在今宿遷縣東南十里太平寰宇記故城在宿遷縣東南八里

莽曰淮平亭

于

莽曰于屏

廣陵國高帝六年屬荆

劉賈國松按今志荆下有州字錢氏刪之錢氏大昕曰高帝六年封劉賈爲荆王兼有廣陵之地故云

屬荆其時未設諸州
刺史不得言荆州也

十一年更屬吳

劉濞國表作十二年王氏念孫曰十一年當作十二年

景帝四年更名江都

徙汝南王非王氏念孫曰四年當作三年

武帝元狩三年更名廣陵

非子建以元狩二年反死更立子厲王胥

莽曰江平屬徐州戶三萬六千七百七十三口十四萬七

百二十二有鐵官縣四

廣陵

今揚州府城太平寰宇記江都縣閻氏若璩曰廣陵國治廣陵以江都易王

非及廣陵厲王胥傳知之

江都易王非廣陵厲王胥皆都此并得鄣郡而不得吳

言二王所封時尚有鄣郡也

莽曰安定

水經注作定安

江都

在今揚州府城西南四十六里太平寰宇記故城在今縣西南四十六里城臨江水今爲水所侵無復餘址應邵曰縣爲一都之會故曰江都

有江水祠

宣帝置郊祀志祠江于江都攷漢初因秦制祀江于蜀

至宣帝乃改祠之耳水經注江水祠俗謂之伍相廟子胥但配食耳歲三祭與五岳同

渠水首受江北至射陽入湖

水經注中瀆水首受江于江都縣舊江水道也昔吳將伐齊自廣陵城東南築邗城下掘深溝謂之韓江亦曰邗溟溝自江東北通射陽湖地里志所謂渠水也西北至末口入淮太平寰宇記邗溝在江都縣東二百里此故瀆也今溝則隋時所開閻氏若璩曰今儀真縣南有舊江口爲吳夫差所穿故班志云渠水首受江也

高郵

今揚州府高郵州太平寰宇記今高郵縣也

平安

今揚州府寶應縣太平寰宇記作安平云寶應縣也

莽曰杜鄉

六安國故楚高帝元年別爲衡山國

立番君吳芮

錢氏大昕曰六安國當屬揚州史失書

五年屬淮南

屬英布布亡屬厲王長

文帝十六年復爲衡山

立淮南厲王子勃後徙廬江王賜

武帝元狩二年別爲六安國

立膠東康王子共王慶

莽曰安風戶三萬八千三百四十五口十七萬八千六百一十六縣五

六

在今六安州西泚水之西水經注泚水過六縣東括地

志故城在安豐縣南一百三十二里

閻氏若璩曰六安國治六縣

故國皋繇後偃姓爲楚所滅

楚成大心滅之皇甫謐曰皋繇生于曲阜曲阜偃地故

賜姓曰偃

如谿水首受泚東至壽春爲芍陂

水經注泚水又西北分爲二水芍陂出焉今陂在壽州

東南

蓼

在今光州固始縣南史河之西太平寰宇記故城在安

豐縣水經注決水逕蓼縣東說文解字作鄧

故國皋繇後爲楚所滅

安豐

在今壽州南六十里後漢書注今壽州縣也故城在霍

山西北水經注淠水又西北芍陂出焉又北逕安豐縣

西

沈氏堯曰安豐在今光州商城界

禹貢大別山在西南

山在今潁州府霍邱縣西南八十里太平寰宇記縣在

山北攷大別山有二一在今漢陽府城東北一里京相

璠曰漢東山名一卽此沈氏堯曰大別山在光州西南黃州西北漢陽東北霍邱西南班志屬之安豐但據山之東北一面言也若論其西南則直至漢水入江處故商城西南麻城黃陂之山古人皆爲大別洪氏亮吉有大別山釋一篇甚詳核

莽曰美豐

安風

在今霍邱縣東南後漢書注故城在安豐縣南

莽曰安風亭

陽泉

在今固始縣南後漢書注故城在安豐縣水經注決水右會陽泉水東北流逕陽泉縣東

長沙國秦郡高帝五年爲國

徙王吳芮文帝後七年國除景帝二年立子定王發
莽曰填蠻屬荊州戶四萬三千四百七十口二十三萬五
千八百二十五縣十三

臨湘

今長沙府城水經注縣卽青陽之地秦始皇令荊王獻

青陽以西是也

閻氏若璩曰秦長沙郡治青陽縣漢曰臨湘

莽曰撫睦

羅

在今長沙府湘陰縣東六十里後漢書注史記正義元
和郡縣志並云故城在湘陰縣東北六十里以水氏也
今有汨羅水在縣北七十里

連道

在今長沙府湘鄉縣西水經注連道故城在湘鄉縣西百六十里以水氏也今連水出湘鄉縣西北東流至湘潭縣入湘

益陽

在今長沙府益陽縣西南後漢書注故城在益陽縣東以水氏也水經注應邵曰在益水之陽今無是水或卽資水之殊目矣

湘山在北

山在今岳州府城南史記正義湘山一名觚山在巴陵縣南

下雋

在今武昌府通城縣西卽岳州府城之東北境也

莽曰閭雋

攸

今長沙府攸縣

鄱

在今衡州府城東十二里荊州記有鄱湖周回三里今湖在府城東二十里孟康音鈴

承陽

在今衡州府城西一百七十里元和郡縣志故城在衡陽縣西百七十里應邵曰在承水之陽今水在府城北

亦入湘者也

湘南

今長沙府湘鄉縣

禹貢衡山在東南荊州山

山在今衡州府衡山縣西北三十里括地志在湘潭縣西四十一里

昭陵

今寶慶府城元和郡縣志邵陽縣也

茶陵

今長沙府茶陵州元和郡縣志茶陵縣也

泥水西入湘行七百里

水經洙水出縣上鄉西北入湘注以爲泥水也今水出

桂東縣西北山北流逕鄒縣西北茶陵州東又北折西

逕攸縣南又西入湘

莽曰聲鄉

容陵

在今攸縣北水經注陰山縣有容水自候曇山下注洙

水謂之容口

安成

在今吉安府安福縣西五十里太平寰宇記故城在安

福縣西六七十里

廬水東至廬陵入湖漢

今日盧水原出安福縣西盧簫山東南流逕縣城北折
東逕吉安府城南入贛江

莽曰思成

水經注作用成

本秦京師爲內史分天下作三十六郡漢興以其郡太大
稍復開置又立諸侯王國武帝開廣三邊故自高祖增二
十六文景各六武帝二十八昭帝一訖于孝平凡郡國一
百三縣邑千三百一十四道三十二侯國二百四十一地
東西九千三百二里南北萬三千三百六十八里提封田
一萬萬四千五百一十三萬六千四百五頃其一萬萬二
百五十二萬八千八百八十九頃邑居道路山川林澤羣

不可墾其三千二百二十九萬九百四十七頃可墾定墾
田八百二十七萬五百三十六頃民戶千二百二十三萬
三千六十二口五千九百五十九萬四千九百七十八漢
極盛矣凡民囿五常之性而其剛柔緩急音聲不同繫水
土之風氣故謂之風好惡取舍動靜亡常隨君上之情欲
故謂之俗孔子曰移風易俗莫善于樂言聖王在上統理
人倫必移其本而易其末此混同天下壹之庠中和然後
王教成也漢承百王之末國土變改民人遷徙成帝時劉
向略言其域分丞相張禹使屬潁川朱贛條其風俗猶未
宣究故輯而論之終其本末著于篇

錢氏大昕曰以志考之三十六郡者三川河東南陽南郡九江會稽潁川碭泗水薛東郡琅邪齊上谷漁陽右北平遼東遼西代鉅鹿邯鄲上黨太原雲

中九原雁門上郡隴西北地漢中巴蜀長沙南海桂林
象郡也裴駰注史記以郭黔中與內史足三十六郡之
數而不數南海三郡與漢志不合高祖增二十六謂河
內汝南江夏豫章常山中山清河魏郡涿郡勃海平原
千乘泰山東萊東海廣漢定襄桂陽武陵郡郡勃海平原
南楚國燕國淮陽國并內史也襄陽帝陵郡郡勃海平原
膠西國江國淮陽國并內史也襄陽帝陵郡郡勃海平原
廣川武帝二十八年馮翊扶風恒農陳留臨淮零陵天水
安定西河朔方武都武成張掖酒泉敦煌平定涇陽
崑崙益州元菟樂浪蒼梧交趾合浦九真廣平真定泗水
昭帝一召南口道三十二今志中百九十四蓋史有闕文
齊南郡一夷道零陵二營道泅道犍爲廣漢三句氏道剛氏
道陰平道蜀郡二嚴道瀾道嘉陵道犍爲廣漢三句氏道剛氏
關道武都五故道平樂道嘉陵道犍爲廣漢三句氏道剛氏
四俠道氏道羌道予道天水四戎道略道義渠道略陽道
獼道安定一月氏道連道尚缺其三以後書郡國志上郡
一雕陰道長沙國一連道尚缺其三以後書郡國志上郡
之則蜀郡之汶江道一連道尚缺其三以後書郡國志上郡
二之數合此志於汶江縣廐武都三縣不言道始亦關
文耳又曰按帝王世紀云民戶千三百二十三萬三千
六百一十二口五千九百一十九萬四千九百七十八

皇甫謐所計戶口必本此志而數目參差似所見古本
異王氏念孫曰山川林澤當依漢紀作山林川澤又曰
而其剛柔詩左傳疏選注范
書注引此俱作而有剛柔

秦地于天官東井與鬼之分壆也

史記天官書東井與鬼雍州

其界自宏農故關以西

秦故關在宏農宏農

京兆扶風馮翊北地上郡西河安定天水隴西南有巴蜀
廣漢犍爲武都西有金城武威張掖酒泉敦煌又西南有
牂柯越巂益州皆宜屬焉秦之先曰柏益

古字柏與伯同用卽伯益也史記作伯翳翳伯聲同亦
通用禹益治水有功故禹稱神益稱化律歷志化益爲

天子

出自帝顓頊堯時助禹治水爲舜朕虞養育中木鳥獸賜姓嬴氏歷夏殷爲諸侯至周有造父善馭習馬得華駟綠耳之乘幸于穆王封于趙城故更爲趙氏

今霍州趙城縣水經注汾水逕趙城西南穆王以封造父趙氏自此始

後有非子爲周孝王養馬汧渭之間孝王曰昔柏益知禽獸子孫不絕

詩譜孝王謂伯翳能知禽獸之言子孫不絕故封非子爲附庸按蔡邕云伯翳綜聲于語鳥葛盧辨音于鳴牛是知禽獸者謂知其語言也

廼封爲附庸邑之子秦今隴西秦亭秦谷是也

今日亭樂山山下有秦亭在秦州清水縣東三十里

齊氏

召南曰此隴西非郡名言隴縣之西也隴縣屬天水郡後書郡國志云隴有大坂名隴坻獮坻聚有秦亭注云秦之先起於此

至元孫氏爲莊公

氏與是通

破西戎有其地子襄公時幽王爲犬戎所敗平王東遷雒邑襄公將兵救周有功賜受邽鄠之地列爲諸侯後八世穆公稱伯以河爲竟

竟卽境字邽卽岐字

十餘世孝公用商君制轅田

春秋傳晉作爰田服虔曰爰易也國語作輓田古爰輓字同用說文解字爰籀文以爲車輓字然輓田之輓解字又作超是超正字爰輓並通借

開仟伯

史記秦本紀作阡陌按仟伯爲田渠交午之稱說文解字有汗洎當是正字蓋破溝減之制而爲此

東雄諸侯子惠公初稱王得上郡西河孫昭王開巴蜀滅周取九鼎昭王曾孫政并六國稱皇帝負力怙威燔書院儒自任私智至胡子亥天下叛之故秦地于禹貢時跨雍梁二州詩風兼秦幽兩國昔后稷封釐

字應作郤釐借用也

公劉處豳太王徙邠文王作鄆武王治鎬

鄆在今西安府鄆縣東五里鎬在西安府城西南三十里

其民有先王遺風好稼穡務本業故豳詩言農桑衣食之本甚備有鄆杜竹林南山檀栢號稱陸海爲九州膏腴始皇之初鄆國穿渠引涇水溉田

故渠在今西安府涇陽三原二縣

沃野千里民以富饒漢興立都長安徙齊諸田楚昭屈景及諸功臣家于長陵後世世徙吏二千石高訾富人及豪桀并兼之家于諸陵蓋亦以強幹弱支非獨爲奉山園也是故五方雜厝

厝錯古字同用

風俗不純其世家則好禮文富人則商賈爲利豪傑則游俠通姦瀕南山近夏陽多阻險輕薄易爲盜賊當爲天下劇又郡國輻輳浮食者多民去本就末列侯貴人車服僭上衆庶放效羞不相及嫁娶尤崇侈靡送死過度天水隴西山多林木民以板爲室屋及安定北地上郡西河皆迫近戎狄脩習戰備高上氣力以射獵爲先故秦詩曰在其板屋又曰王子興師修我甲兵與子偕行及車轡四載小戎之篇

戴古字

皆言車馬田狩之事漢興六郡良家子給選羽林期門以

材力爲官名將多出焉

所謂山西出將山東出相者以華山爲界也六郡並山

西地

孔子曰君子有勇而無誼則爲亂小人有勇而無誼則爲盜

誼義古字通用

故此數郡民俗質木不恥寇盜自武威以西本匈奴昆邪王休屠王地武帝時攘之初置四郡以通西域隔絕南羌匈奴

隔隔古字同用

其民或以關東下貧或以報怨過當或以諄逆亡道家屬

徙焉習俗頗殊地廣民稀水少宜畜牧故涼州之畜爲天下饒保邊塞二千石治之咸以兵馬爲務酒禮之會上下通焉吏民相親是以其俗風雨時節穀糴常賤少盜賊有和氣之應賢于內郡此政寬厚吏不苛刻之所致也巴蜀廣漢本南夷秦并以爲郡土地肥美有江水沃野山林竹木疏食果實之饒南賈滇犍僮西近邛笮馬旄牛犍僮卽犍馬白馬羌以爲滇犍出僮隸邛笮出馬牛異乎吾所聞矣

民食稻魚亡凶年憂俗不愁苦而輕易淫佚柔弱褊陋景武間文翁爲蜀守教民讀書法令未能篤信道德反以好文刺譏貴慕權執及司馬相如游宦京師諸侯以文辭顯

于世鄉黨慕循其迹後有王褒嚴遵揚雄之徒文章冠天下繇文翁倡其教相如爲之師

三國志秦宓傳云蜀本無學士文翁遣相如受七經還教吏民

故孔子曰有教亡類武都地雜氏羌及犍爲牂柯越巂皆西南外夷武帝初開置民俗略與巴蜀同而武都近天水俗頗似焉故秦地天下三分之一而人眾不過什三然量其富居什六秦幽吳札觀樂爲之歌秦曰此之謂夏聲夫能夏則大大之至也其周舊乎自井十度至柳三度謂之鶉首之次秦之分也

王氏念孫曰秦幽二字衍文錢氏大昕曰十二次宿度惟載鶉首鶉火壽星析木餘皆闕如蓋班氏未定之本

其述分塋既以東平須昌壽張爲宋分又云東平須昌壽張皆在濟東屬魯非宋地也當考亦疑而未決之詞所述星度與蔡邕月令章句合較之律歷志每次大率差五六度

魏地背觶參之分塋也

天官背觶參益州此與武帝所置之益州異也

其界自高陵以東盡河東河內南有陳留及汝南之召陵
潁強新汲西華長平潁川之舞陽鄆許鄆陵河南之開封
中牟陽武酸棗卷皆魏分也

魏初地自鄭濱洛以東故起高陵錢氏大昕曰以志考之新汲屬潁川非汝

南酸棗屬陳留非河南蓋漢時郡國屬縣更易靡常史家不能考而悉書之

河內本殷之舊都周既滅殷分其畿內爲三國詩風邶庸衛國是也

邶字本或作鄩別字說文解字邶自河內朝歌以北詩譜自紂城而北邶以南庸以東衛今衛輝府滑縣東南有邶水府城西有故庸城有庸水出宜蘇山當是其地邶以封紂子武庚庸筦叔尹之衛蔡叔尹之以監殷民謂之三監故書敘曰武王崩三監叛周公誅之盡以其地封弟康叔號曰孟侯以夾輔周室遷邶庸之民于維維邑故邶庸衛三國之詩相與同風邶詩曰在浚之下庸曰在浚之郊邶又曰亦流于淇河水洋洋庸曰送我淇上在彼中河衛曰瞻彼淇奧河水洋洋故吳公子札聘魯觀周樂聞邶庸衛之歌曰美哉淵乎吾聞康叔之德如是是其衛風乎至十六世懿公無道爲狄所滅齊桓公帥諸侯伐狄而更

封衛于河南曹楚邱

春秋傳立戴公廬于曹杜預曰曹衛下邑詩作潛在今

滑縣南二十里舊白馬縣也楚邱在滑縣東六十里

邱詩河水洋洋師古曰今詩無此句段氏玉裁曰洋當作泮字從半聲見集韻卽新臺河水瀾瀾之或體也

是爲文公而河內殷虛更屬于晉康叔之風旣歇而紂之

化猶存故俗剛彊多豪傑侵奪薄恩禮好生分河東土地

平易有鹽鐵之饒本唐堯所居詩風唐魏之國也周武王

子唐叔在母未生武王夢帝謂己曰余命而子曰虞將與

之唐屬之參及生名之曰虞至成王滅唐而封叔虞唐有

晉水及叔虞子變爲晉侯云故參爲晉星其民有先王遺

教君子深思小人儉陋故唐詩蟋蟀山樞葛生之篇曰今

我不樂日月其邁宛其死矣它是媮百歲之後歸于其
居皆思奢儉之中念死生之虞吳札聞唐之歌曰思深哉
其有陶唐氏之遺民乎魏國亦姬姓也在晉之南河曲故
其詩曰彼汾一曲實諸河之側自唐叔十六世至獻公滅
魏以封大夫畢萬滅耿以封大夫趙夙及大夫韓武子食
采于韓原

春秋傳秦穆公晉惠公戰于韓原杜預注韓原晉地舊
解相承以爲在今同州府韓城縣東南二十里非也攷
傳穆公伐晉涉河侯車敗又曰獲晉君歸至于王城穆
公都今鳳翔府城若戰晉在韓原不得路出王城今韓
城縣自古相傳並稱梁國本非韓侯國惟括地志云韓

國在今韓城縣南十八里此乃無稽謬證非由經故秦
晉戰地自當在今解州芮城縣郡國志河東河北縣有
韓亭者是也今謂武子所封亦應是此又史記韓世家
韓之先與周同姓其後苗裔事晉得封于韓原曰韓武
子按水經注聖水逕韓城東詩韓奕曰溥彼韓城燕師
所完王錫韓侯其追其貊奄受北國王肅曰今涿郡方
城縣有韓侯城今順天府固安縣地也潛夫論亦云然
是韓侯國非韓城縣之證又春秋傳稱邾晉應韓爲武
王之後而世本謂曲沃桓叔生武子萬萬生定伯定伯
生子與則晉之支庶又與武穆之誼不同于世家更戾
矣

晉于是始大至于文公伯諸侯尊周室始有河內之土吳
札聞魏之歌曰美哉颯颯乎以德輔此則明主也文公後
十六世爲韓趙魏所滅三家皆自立爲諸侯是爲三晉趙
與秦同祖韓魏皆姬姓也自畢萬後十世稱侯至孫稱王
徙都大梁故魏一號爲梁七世爲秦所滅
周地柳七星張之分壆也

天官書柳七星張三河

今之河南雒陽穀城平陰偃師鞏緱氏是其分也昔周公
營雒邑以爲在于土中諸侯蕃屏四方故立京師至幽王
淫褒姒以滅宗周子平王東居雒邑其侯五伯更帥諸侯
以尊王室故周于三代最爲長久八百餘年至于赧王乃

志卷第十六
爲秦所兼初雒邑與宗周通封畿東西長而南北短短長
相覆爲千里至襄王以河內賜晉文公又爲諸侯所侵故
其分墜小

墜籀文地字

周人之失巧僞趨利貴財賤義高富下貧憚爲商賈不好
仕宦自柳三度至張十二度謂之鶉火之次周之分也
韓地角亢氏之分墜也

天官書角亢氏兗州

韓分晉得南陽郡及潁川之父城定陵襄城潁陽潁陰長
社陽翟郟東接汝南西接宏農得新安宜陽皆韓分也及
詩風陳鄭之國與韓同星分焉鄭國今河南之新鄭本高

辛氏火正祝融之虛也及成皋滎陽潁川之密高陽城皆
鄭分也本周宣王弟友爲周司徒食采于宗周畿內是爲
鄭鄭桓公問于史伯曰王室多故何所可以逃死史伯曰
四方之國非王母弟甥舅則夷狄不可入也其濟雒河潁
之間乎子男之國號會爲大

會卽鄆也姁姓之國史記楚世家所稱會人是也詩作
檜今開封府新鄭縣地

恃執與險密侈貪冒君若寄帑與賄周亂而敝必將背君
君以成周之眾奉辭伐罪亡不克矣公曰南方不可乎對
曰夫楚重黎之後也黎爲高辛氏火正昭顯天地以生柔
嘉之材姜嬴荊芊實與諸姬代相干也姜伯夷之後也嬴

伯益之後也伯夷能禮于神以佐堯伯益能儀百物以佐舜其後皆不失祠而未有興者周衰將起不可逼也桓公從其言乃東寄帑與賄虢會受之後三年幽王敗桓公死其子武公與平王東遷卒定虢會之地右雒左濟食溱洧焉

溱說文解字作溱水經同惟詩春秋內外傳作溱古溱洧字音聲皆異無通用之例或水有二名故詩以溱與人字相協爲韻若以溱協人則失之遠矣

土陜而險山居谷汲男女亟聚會故其俗淫鄭詩曰出其東門有女如雲又曰溱與洧方濯濯兮士與女方秉菅兮恂盱且樂惟士與女伊其相諠此其風也吳札聞鄭之歌

曰美哉其細已甚民弗堪也是其先亡乎自武公後二十三世爲韓所滅陳國今淮陽之地陳本太昊之虛周武王封舜後嬀滿于陳是爲胡公妻以元女太姬婦人尊貴好祭祀用史巫故其俗爲巫鬼

詩譜太姬無子好巫覡禱祈鬼神歌舞之樂民俗化之

王氏念孫曰其俗下脫好字

陳詩曰坎其擊鼓宛邱之下亡冬亡夏值其鷺羽又曰東門之枌宛邱之栩子仲之子婆娑其下

婆應作嬀婆俗字也

此其風也吳札聞陳之歌曰國亡主其能久乎自胡公後二十三世爲楚所滅陳雖屬楚于天文自若其故潁川南

陽本夏禹之國夏人尙忠其敝鄙朴韓自武子後七世稱
侯六世稱王五世而爲秦所滅秦旣滅韓徙天下不軌之
民于南陽故其俗夸奢上氣力好商賈漁獵臧匿難制御
也宛西通武關東受江淮一都之會也宣帝時鄭宏召信
臣爲南陽太守治皆見紀信臣勸民農桑去末歸本郡以
殷富潁川韓都士有申子韓非刻害餘烈高仕宦好文法
民以貪遴

說文解字遴行難也易曰以往遴今易作吝王莽傳性
實遴嗇杜欽傳誠難以忽不可以遴義皆與吝同

王氏
念孫
曰都會之間
不得有之字

爭訟生分爲失韓延壽爲太守先之以敬讓黃霸繼之教

化大行獄或八年亡重罪囚南陽好商賈召父富以本業
潁川好爭訟分異黃韓化以篤厚君子之德風也小人之
德草也信矣自東井六度至亢六度謂之壽星之次鄭之
分塋與韓同分

錢氏大昕曰
東井當作軫

趙地昂畢之分塋

天官書昂畢冀州

王氏引之曰昂
上當有胃字

趙分晉得趙國北有信都眞定常山中山又得涿郡之高
陽鄭州鄉東有廣平鉅鹿清河河間又得勃海郡之東平
舒中邑文安東州成平章武河以北也南至浮水繁陽內
黃斥邱西有太原定襄雲中五原上黨本韓之別郡

也遠韓近趙後卒降趙皆趙分也自趙夙後九世稱侯四世敬侯徙都邯鄲至曾孫武靈王稱王五世爲秦所滅趙中山地薄人眾猶有沙邱紂淫亂餘民丈夫相聚游戲悲歌忼慨起則雄剽掘冢作姦巧多弄物爲倡優女子彈弦

跕躡

躡舞履也跕卽走字跕躡服虔所謂踈屣履是也古無

踈屣二字踈亦卽走屣卽躡耳

錢氏大昕曰志未見浮水縣繁陽內黃斥邱皆

屬魏郡

游媚富貴徧諸侯之後宮邯鄲北通燕涿南有鄭衛漳河之間一都會也其土廣俗雜大率精急高氣執輕爲姦太原上黨又多晉公族子孫以詐力相傾矜夸功名執仇過

直

孔子曰以直報怨

嫁取送死奢靡漢興號爲難治常擇嚴猛之將或任殺伐爲威父子被誅子弟怨憤至告訐刺史二千石或報殺其親屬鍾代石北迫近胡寇

鍾鍾山亦曰陰山也在今榆林府城北鄂爾都斯界黃河北岸如涪以爲未聞非矣代郡縣名石石成北北平如涪以石爲在上曲陽者常山石邑非此耳

民俗懞悞

懞卽冀字別也釋名亦云堅懞冀爲北方州者以民俗堅冀稱之歟

好氣爲姦不事農商自全晉時已患其剽悍而武靈王又益厲之故冀州之部盜賊常爲它郡劇定襄雲中五原本戎狄地頗有趙齊衛楚之徒其民鄙朴少禮文好射獵雁門亦同俗于天文別屬燕

燕地尾箕分壑也

天官書尾箕幽州

武王定殷封召公子燕其後三十六世與六國俱稱王東有漁陽右北平遼西遼東西有上谷代郡雁門南得涿郡之易容城范陽北新成故安涿縣良鄉新昌及勃海之安次皆燕分也樂浪元菟亦宜屬焉燕稱王十世秦欲滅六國燕王太子丹遣勇士荆軻西刺秦王不成而誅秦遂舉

兵滅燕薊南通齊趙勃碣之間一都會也初太子丹賓養勇士不愛後宮美女民化以爲俗至今猶然賓客相過以婦侍宿嫁取之夕男女無別反以爲榮後稍頗止然終未改其俗愚悍少慮輕薄無威亦有所長敢于急人燕丹遣風也上谷至遼東地廣民稀數被胡寇俗與趙代相類有漁鹽棗栗之饒北隙烏桓夫餘東賈真番之利元菟樂浪武帝時置皆朝鮮濊貉句驪蠻夷殷道衰箕子去之朝鮮教其民以禮義田蠶織作樂浪朝鮮民犯禁八條相殺以當時償殺相傷以穀償相盜者男沒入爲其家奴女子爲婢欲自贖者人五十萬雖免爲民俗猶羞之嫁取無所讎是以其民終不相盜無門戶之閉婦人貞信不淫辟其田

民飲食以簋豆都邑頗放效吏及內郡賈人往往以杯器
食郡初取吏于遼東吏見民無閉臧及賈人往者夜則爲
盜俗稍益薄今于犯禁寤多至六十餘條可貴哉仁賢之
化也然東夷天性柔順異于三方之外故孔子悼道不行
設浮于海欲居九夷有以也夫樂浪海中有倭人分爲百
餘國以歲時來獻見云

書有嵎夷史記作郁夷郁夷卽倭人古郁倭字通用詩

周道倭遲韓詩作郁夷是也錢氏大昕曰中山國有北新成縣不屬涿郡松按今

志作新城錢氏改之

自危四度至斗六度謂之析木之次燕之分也

錢氏大昕曰危當作尾

齊地虛危之分壑也

天官書虛危青州

東有菑川東萊琅邪高密膠東南有泰山城陽北有千乘
清河以南勃海之高樂高城重合陽信西有濟南平原皆
齊分也少昊之世有爽鳩氏虞夏氏有季荊湯時有逢公
柏陵殷末有薄姑氏皆爲諸侯國此地至周成王時薄姑
氏與四國共作亂成王滅之以封師尙父是爲太公詩風
齊國是也臨菑名營邱故齊詩日子之營兮遭我虘蠃之
間兮

說文解字作𡩺今山在青州府臨淄縣東南十五里錢氏

大昕曰古書營與環通說文營市居也讀如闔閭之闔還與環音亦同也𡩺農聲相近故文或爲蠃

又曰埃我于著虜而

濟南郡縣名

此亦其舒緩之體也吳札聞齊之歌曰泱泱乎大風也哉其太公乎國未可量也古有分土亡分民太公以齊地負海舄鹵少五穀而人民寡廼勸以女工之業通漁鹽之利而人物輻湊

海瀕廣瀉卽斥字也負海舄鹵亦斥字也

後十四世桓公用管仲設輕重以富國合諸侯成伯功身在陪臣而取三歸

戰國策桓公設女市女閭而管仲有三歸之臺謂此也故其俗彌侈織作冰紈綺繡純麗之物號爲冠帶衣履天

下

漢制齊有三服之國

王氏念孫曰冰紈謂素色鮮潔如冰也師古分冰紈爲二物非何氏

焯曰漢三服官在齊其一在陳留之襄邑

初太公治齊修道術尊賢智賞有功故至今其土多好經術矜功名舒緩闊達而足智其失夸奢朋黨言與行繆虛詐不情急之則離散緩之則放縱始桓公兄襄公淫亂姑姊妹不嫁于是令國中民家長女不得嫁名曰巫兒爲家主祠嫁者不利其家民至今以爲俗痛虐道民之道可不慎哉昔太公始封周公問何以治齊太公曰舉賢而上功周公曰後世必有篡殺之臣其後二十九世爲彊臣田和所滅而自立爲齊侯初和之先陳公子完有罪來奔齊

齊桓公以爲大夫更稱田氏九世至和而纂齊至孫威王稱王五世爲秦所滅臨菑海岱之間一都會也其中具五民云

魯地奎婁之分壑也

天官書奎婁胃徐州

東至東海南有泗水至淮得臨淮之下相睢陵僅取慮皆魯分也周興以少昊之虛曲阜封周公子伯禽爲魯侯以爲周公主其民有聖人之教化故孔子曰齊一變至于魯魯一變至于道言近正也瀕洙泗之水其民涉度幼者扶老而代其任俗旣益薄長老不自安與幼少相讓故曰魯道衰洙泗之間斷斷如也孔子閔王道將廢乃修六經以

述唐虞三代之道弟子受業而通者七十有七人是以其民好學上禮義重廉恥周公始封太公問何以治魯周公曰尊尊而親親太公曰後世孱弱矣

史記魯世家太公伯禽報政周公周公曰魯後世北面事齊與此異

故魯自文公以後祿去公室政在大夫季氏逐昭公陵夷微弱三十四世而爲楚所滅然本大國故自爲分壑今去聖久遠周公遺化銷微孔氏庠序衰壞地陋民眾頗有桑麻之業亡林澤之饒俗儉嗇愛財趨商賈好訾毀多巧僞喪祭之禮文備實寡然其好學猶愈于它俗漢興以來魯東海多至卿相東平須昌壽張皆在濟東屬魯非宋地也

當攷

自東平以下十八字似非原文或後人因其地屬魯而分塋在宋故增記于此以俟再核耳

錢氏大昕曰壽張本名壽良光武避

趙王良諱改爲壽張此班氏追改

宋地房心之分塋也

天官書房心豫州

今之沛梁楚山陽濟陰東平及東郡之須昌壽張皆宋分也周封微子于宋今之睢陽是也本陶唐氏火正闕伯之虛也濟陰定陶詩風曹國也武王封弟叔振鐸于曹其後稍大得山陽陳留二十餘世爲宋所滅昔堯作游成陽舜漁鼉澤湯止于亳故其民猶有先王遺風重厚多君子好

稼穡惡衣食以致畜臧宋自微子二十餘世至景公滅曹滅曹後五世亦爲齊楚魏所滅參分其地魏得其梁陳留齊得其濟陰東平楚得其沛故今之楚彭城本宋也春秋經曰圍宋彭城宋雖滅本大國故自爲分塋沛楚之失急疾顯已地薄民貧而山陽好爲姦盜

衛地營室東壁之分塋也

天官書營室至東壁并州

今之東郡及魏郡黎陽河內之塋王朝歌皆衛分也衛本國旣爲狄所滅文公徙封楚邱三十餘年子成公徙于帝邱故春秋經曰衛遷于帝邱

遷古遷字說文解字遷升高也遷登也聲義同故通用

今之濮陽是也本顓頊之虛故謂之帝邱夏后之世昆吾氏居之成公後十餘世爲韓魏所侵盡亡其旁邑獨有濮陽後秦滅濮陽置東郡徙之于埜王始皇既并天下猶獨置衛君二世時乃廢爲庶人凡四十世九百年最後絕故獨爲分埜衛地有桑間濮上之阻男女亦亟聚會聲色生焉故俗稱鄭衛之音周末有子路夏育民人慕之故其俗剛武上氣力漢興二千石治者亦以殺戮爲威宣帝時韓延壽爲東郡太守承聖恩崇禮義尊諫諍至今東郡號善爲吏延壽之化也其失頗奢靡嫁取送死過度而埜王好氣任俠有濮上風

楚地翼軫之分埜也

天官書翼軫荊州

今之南郡江夏零陵桂陽武陵長沙及漢中汝南郡盡楚分也周成王時封文武先師鬻熊之曾孫熊繹于荊蠻爲楚子居丹陽

鬻古音讀米說文解字鬻從彌從米聲是也鬻熊本姓芊古字芊與鬻聲同通用故芊熊亦稱鬻熊耳鬻熊之鬻應爲鬻一也薰鬻之鬻應爲育史記周本紀作薰育薰育亦曰獫狁亦曰匈奴古字薰獫狁育允奴皆聲相近二也衞鬻之鬻應爲儋說文解字儋賣也三也三義皆異而今混之矣

後十餘世至熊達是爲武王寤以彊大後五世至嚴王總

帥諸侯觀兵周室并吞江漢之間內滅陳魯之國後十餘世頃襄王東徙于陳楚有江漢川澤山林之饒江南地廣或火耕水耨民食魚稻以漁獵山伐爲業果蠃蠃蛤食物常足

史記作果隋隋俗字

齊氏召南曰楚之滅魯在頃襄王時去莊王時甚遠又莊王雖嘗入

陳旋復其國至惠王始滅陳二事皆非莊王事

故器窳媮生而亡積聚飲食還給不憂凍餓亦亡千金之家信巫鬼重淫祀而漢中淫失枝柱與巴蜀同俗

淫失卽淫佚古字通用

汝南之別皆急疾有氣執江陵故郢都西通巫巴東有雲夢之饒亦一都會也

吳地斗分壑也

天官書斗江湖

今之會稽九江丹陽豫章廬江廣陵六安臨淮郡盡吳分也殷道旣衰周太王亶父興邠梁之地長子太伯次曰仲雍少曰公季公季有聖子昌太王欲傳國焉太伯仲雍辭行采藥遂奔荆蠻公季嗣位至昌爲西伯受命而王故孔子美而稱曰太伯可謂至惠也已矣

惠古德正字說文解字德升也

三以天下讓民無得而稱焉謂虞仲夷逸隱居放言身中清廢中權太伯初奔荆蠻荆蠻歸之號曰句吳太伯卒仲雍立至曾孫周章而武王克殷因而封之又封周章弟中

于河北是爲北吳後世謂之虞

古虞吳字同用

十二世爲晉所滅後二世而荆蠻之吳子壽夢盛大稱王其少子則季札有賢才兄弟欲傳國札讓而不受自太伯壽夢稱王六世闔閭舉伍子胥孫武爲將戰勝攻取興伯名于諸侯至子夫差誅子胥用宰嚭爲越王句踐所滅吳粵之君皆好勇故其民至今好用劍輕死易發粵旣并吳後六世爲楚所滅後秦又擊楚徙壽春至子爲秦所滅壽春合肥受南北湖皮革鮑木之輸亦一都會也

鮑卽鞞字說文解字鞞柔革工也讀若朴周禮曰柔皮之工鮑氏鞞卽鮑也

始楚賢臣屈原被讒放流作離騷諸賦以自傷悼後有宋玉唐勒之屬慕而述之皆以顯名漢興高祖王兄子濞子吳招致天下之娛游子弟枚乘鄒陽嚴夫子之徒興于文景之際而淮南王安亦都壽春招賓客著書而吳有嚴助朱買臣貴顯漢朝文辭並發故世傳楚辭其失巧而少信初淮南王異國中民家有女者以待游士而妻之故至今多女而少男

多女少男謂多少之也生男無喜生女無怒獨不見衛子夫伯天下是其義而說者乃訾議之何歟

本吳粵與楚接比數相并兼故民俗略同吳東有海鹽章山之銅三江五湖之利亦江東之一都會也豫章出黃金

然堇堇物之所有取之不足以更費江南卑溼丈夫多夭
會稽海外有東鯢人

孟康音題晉灼音鞮

分爲二十餘國以歲時來獻見云

粵地牽牛婺女之分壄也

天官書牽牛婺女揚州

今之蒼梧鬱林合浦交趾九真南海日南皆粵分也其君
禹後帝少康之庶子云封于會稽文身斷髮以辟蛟龍之
害後二十世至句踐稱王與吳王闔閭戰敗之雋李

會稽郡下作就李卽今醉李也

何氏焯曰西漢會稽一郡吳越共之故前以會

稽爲吳分此仍敘封于會稽爲百越始

夫差立句踐乘勝復代吳吳大破之棲會稽臣服請平後
用范蠡大夫種計遂伐滅吳兼并其地度淮與齊晉諸侯
會致貢于周周元王使使錫命爲伯諸侯畢賀後五世爲
楚所滅子孫分散君服于楚後十世至閩君搖佐諸侯平
秦漢興復立搖爲粵王是時秦南海尉趙佗亦自王傳國
至武帝時盡滅以爲郡云處近海多犀象毒冒珠璣銀銅
果布之湊中國往商賈者多取富焉番禺其一都會也自
合浦徐聞南入海得大州東西南北方千里武帝元封元
年略以爲儋耳珠厓郡民皆服布如單被穿中央爲貫頭
男子耕農種禾稻紵麻女子桑蠶織績亡馬與虎民有五
畜山多麋麋兵則矛盾刀木弓弩竹矢或骨爲鏃自初爲

郡縣吏卒中國人多侵陵之故率數歲一反元帝時遂罷
棄之自日南障塞徐聞合浦船行可五月有都元國又船
行可四月有邑盧沒國又船行可二十餘日有諶離國步
行可十餘日有夫甘都盧國自夫甘都盧國船行可二月
餘有黃支國民俗略與珠崖相類其州廣大戶口多多異
物自武帝以來皆獻見有譯長屬黃門與應募者俱入海
市明珠璧流離奇石異物齎黃金雜繒而往所至國皆稟
食爲耦蠻夷賈船轉送致之亦利交易剽殺人又苦逢風
波溺死不者數年來還大珠至圍二寸以下平帝元始中
王莽輔政欲耀威德厚遺黃支王令遣使獻生犀牛自黃
支船行可八月到皮宗船行可八月到日南象林界云黃

支之南有已程不國漢之譯使自此還矣

乾隆五十七年壬子歲正月卅誤

嘉慶二年丁巳歲六月開雕

同治十三年甲戌歲十一月重雕

徐氏集釋
新增

歸安姚覲元

江陰繆荃孫

會稽章貞同校正

新斟注地里志卷第十六終

